

三、鹿場無鹿

這陣細子拗伯公圍核核入去教室，有一句無一句在念口白，伯公講哪儕討先表演个時，顛倒驚見笑嘎恬靜啊。

這時，有一個細子比佢講：「你先！你係珍師傅來个人，應當較厲害！」

「佢？」睺大家對佢个期望，佢歸下躉去，毋過落來猶係佇毋會核，提一個頭那棟有頭搵，睺起來恬靜恬靜个小旦，搖搖晃晃搵一個聲嗽講事，愛講麼个咧？「初到貴寶地，人生份所在無熟，請大家多多指教，佢係緣投鈞个——阿姊，即喊佢『緣投姊』好啊。」

睺逐個人得佢惑到躉目躉目，佇毋會核攔補一句：「鉛筆頭个緣投！」

「哦！幾時緣投鈞係鉛筆个頭哦！」這幾下儕仰子學到恁緊？佢嘎得佢人倒頭暈，真歹睺啊！好佳載伯公出來轉事，講：「今日有新同學，佢人輕鬆一下！講故事得大家聽望。」伯公寬寬子講——

敢猶記得這係哪位？著！鹿場國小，鹿場國小在哪位咧？巧神个大家用膝頭想嘛知，鹿場國小即在鹿場村，毋過鹿場仰子喊做鹿場咧？古早在三百外年前，有一條清清个溪對東北流向西南，這條溪即係這滿个牛挑灣溪。

聽著牛挑灣溪細子攏目頭結結，喝講：「臭溝子，臭死啊！」啊佢和聽嘛無聽過這條溪，真興即問：「了後咧？」

伯公攔講落：「溪敢會自家臭？佢真冤枉啊，佢會臭攏係佢人人無惜佢。唉！因為過頭抽地下水，造成地層塌落，陸地比地平面低，若落雨即積水，水根本排毋會出去，這條牛挑灣溪嘛即無法度發揮排水作用，攔加上長期个污染，這條溪溪水醪醪，臭到得人佇毋會核。

在早期，嘛無幾早，你人个阿怙阿依細漢个時，溪水係淨俐个，猶會用摸蜆子，熱天泡在溪水有幾快活！遐時務，打早愛捋西瓜，佢人會先捋幾下粒園在溪水內，歇睏時即破來食，冰冰涼涼，毋會比冰箱个效果稔。

這滿，假使拗西瓜園在溪水內？」

「佢正毋敢食咧！」大漢个第一個出聲。

「著啊！得人想討吐！」大家講到花喇必駁。

伯公頭搖搖，「你睇！恁享受个事情你人攞無福氣享受，這個時代進步係進步在哪位？」事講煞，大家你睇佢，佢睇你，攞做一下恬恬。

「這個牛挑灣溪和鹿場有麼个關係？」其中一個大漢个學生雄雄問出來。

伯公又攞講落——

偲人四湖成下有真多濕水地，大大細細二十外個窟，其中一個頭大个喊做鹿窟，鹿窟就近生真多鹿愛食个「鹿樹」，嘛即係「構樹」。既然係鹿愛食个，嘛即錫鹿俾過來這。

臺灣个水鹿真靚，聽講葡萄牙水手睇著臺灣个時，開嘴喝出：「福爾摩沙！」意思即係美麗島。葡萄牙水手上岸睇著水鹿，這兜水鹿色地靚靚，動作優雅，得佢人讚嘆。落來鹿皮大家相爭愛，平埔族洪雅社即在鹿窟就近和荷蘭人交換鹿皮，所以這就近得人號做「鹿場」。

構樹佢會認，佢得意在想。上回阿怙阿依渡佢去花蓮寮，參加了一個構樹皮个活動。構樹皮展開个特性真好，佢用槌一直推一直推，推到手足痠，推出來个構樹皮得人笑無合格。啊阿怙真有耐心，慢慢推，慢慢推，五公分闊个構樹皮得佢推討三十公分長。無想著這構樹猶係鹿愛食个食物，當這陣水鹿俾作埕，擎頭、伸長頸慢慢嚙葉个形一定真得人惜！

在佢開始烏白想个時，伯公拗佢喊：「緣投鈞，你仰子無問：『四湖』係毋係有四個湖正喊做『四湖』？」佢歹勢个爪面頰卵，伯公嘛知佢係真興个細子啦！

既然伯公問啊，佢無問即對老儕个好意真失禮，「著啊！著啊！

伯公，四湖有湖無？仰子喊做四湖？」

伯公這時正展出「這個細子會教个」个微笑！渡佢人去到圖書館，請佢人展開尋寶活動，尋出臺灣鄉鎮地圖。伯公包係愛佢人尋四湖鄉地圖！講著地圖這件事，勾起佢「苦感」个記憶。知阿怙討送佢來四湖歇熱，佢黏時上網查資料，睇望這個鬼所在生做仰子。「谷狗」實在係好物，真緊辦成任務，嘛得佢跌入苦感个深坑，四湖和麥當勞嘛

無！麥當勞呢！佢愛食个馬鈴薯條正來寮啊。好啦！尋四湖有無麼个出名所在、觀光景點，睺來睺去，即係一兜廟啊、海港，一兜仔嘛無好寮！

當然，佢嘛順路望過四湖地形，無麼个大湖，一個嘛無，嗰會喊做四湖，真奇怪！毋過遐時務，佢得苦感蔭去啊，嘛無想討尋「四湖仰子喊做四湖」个答案啊，橫直正一個歇熱，「應當」一瞞目即過啊。

佢正係講「應當」哦！有句事講「一日不見如隔三秋」，恁算來兩個月个日子係真得人驚个長。想著這，佢大力搖頭，「既來之則安之」，先睺望伯公葫蘆內底賣麼个藥。

「睺望偲人个故鄉——四湖鄉，外形睺起來像麼个？」伯公問。

「哇！這係佢第一擺睺自家故鄉个地圖，四湖鄉像一隻狗。」大漢个先回答！

「著啊！狗屎肫對向臺灣海峽，屙屁較利便，哈哈！」佢佇毋會核大笑啊。

「嘍！嘍！嘍！」大家開始烏白學屙屁聲。

這個四湖个地名鬥底仰子來个？伯公等大家亂罉啊，講：「你人睺這像狗个地圖，係落來規劃出來得人惜个成果，早期毋係恁个！」

雖然佢較恰意「狗」形个四湖，猶擱佢个形象像係對陸地汪汪嘍，恁个造型滿足心色个，啊四湖个地名仰子來咧？有幾下个無共个傳說——偁海个四湖，早早在明朝崇禎年間，即有學老人在這開墾，遐時務這就近有兩大湖、兩小湖，所以學老人在這起莊頭了後，即拗這就近號名喊做「四湖」。當時四圍攏係天然个湖，這就近个地名真多攏和「湖」有關，像係四湖村、湖西村、內湖村、施湖村、口湖鄉這兜，會用睺出過去這就近有大大細細个湖。

毋過「兩大湖、兩小湖」正係傳說之一，無法度認定，因為在偁海這，鬥底係湖抑係溼地，早即毋知去位查啊。「四湖」假使用學老事念，音和「內海湖」真成，內海湖係麼个咧？海灣因為出海口泥沙滯底，得出海口形成沙洲，漸漸拗海灣和海洋分隔，封起來變做湖，這兜因為滯底來个泥鹹分較重，土質較糲，先民來這開墾，正經係加真費氣。

知自家个祖先經過千辛萬苦，正會用在這拚出家園，心肝內真佩

服，想著自家臉身流有開田墾地、食苦耐勞个血，轉到家鄉度假變到足有意義，佢越來越期待接落來个日子，會用多多熟事佢个家鄉——四湖鄉。